




# Ebyen... Ou vle batize? Gid Lidè a

SERI ANSEYMAN DISIP JÈN KWAYAN AN



## Ebyen... Ou vle batize? Gid Lidè a

**Lekriti:** " Lè yo te kwè... Yo te batize " (Travay 8:12).

**Objektif:** Objektif Gid Lidè sa a se pou ba ou resous debaz yo pou w' ka kondwi yon klas nan preparasyon pou batèm.

### Lis Resous Yo

- Ebyen... Ou vle batize? Feyè Elèv la.
- Ebyen... Ou vle batize? Gid lidè a.
- Bib la.
- Manyèl Legliz Nazareyen an. Asire w ke li ajou.

### Kouman yo itilize gid sa a?

\* Prepare w' nan fè lekti materyèl yo sijere yo ak enfòmasyon ki nan entwodiksyon an. Sa ap ede w' prepare w' pou kesyon ki kapab sòlve pandan sesyon klas la.

## Kisa yon Sakreman ye?

Sakreman yo enpòtan anpil nan lavi legliz la. Yo se yon mwayen lagras. John Wesley di: "Pa 'mwayen la gras' Mwen konprann siy deyò yo, pawòl yo, oswa aksyon yo, lòd Bondye, epi yo te nonmen pou sa ka fèt, yo se kanal òdinè pou transmèt gras li bay lòm, anpeche, jistifye, oswa gras sanntifye" (Mwayen la gras la).

[http://wesley.nnu.edu/john\\_wesley/sermons/016.htm](http://wesley.nnu.edu/john_wesley/sermons/016.htm).

Sa vle di yon Sakreman se yon aksyon deyò ki reprezante gras Bondye bay andedan. Yo se kanal ke Bondye pase pou bay lòm gras li.

Istwa Legliz la te konnen anpil mwayen diferan sou la gras atravè anpil syèk. Nan mwayen gras yo, legliz la defini kèk kòm sakreman. Legliz Katolik konnen sèt sakreman (Batèm, Konfirmasyon, lasèn, Konfesyon, dènnye seremoni yo, Òdenasyon ak Maryaj). Legliz Pwotestan tipikman rekonèt de sakreman (Batèm ak lasèn). Gen kèk legliz ki pa rekonèt nenpòt mwayen ofisyèl sou la gras, epi gen kèk legliz ak tewolojyen ki di nimewo a pa gen fen. Menm si sakreman yo rekonèt epi nimewo sakreman yo diferan, plis kretyen denominasyon yo rekonèt ke Bondye ap travay nan òdinè, sa vle di fizikman pou l' bay disip li yo gras li.

\* Kreye yon anviwònman ki ouvè. Kite timoun yo poze nenpòt kesyon yo ka genyen.

\* Si pastè a pa anseye klas la, envite l' vin patisipe. Fè pastè a eksplike wòl li pandan batèm nan ak kèk nan lojistik ki nan batèm nan.

\*Asire ou ke ou konprann pozisyon Legliz Nazareyen konsènan batèm nan. Legliz Nazareyen pèmèt diferan fòm batèm (imèsyon, aspèsyon, ak vide). Yo pèmèt batèm ti bebe tou.

\*Pran plezi .. Ou fè pati de yon evènman esprityèl enpòtan nan lavi timoun yo nan klas ou a.

## **Lide pou Batèm nan:**

- Voyer envitasyon bay zanmi w ak fanmi w, envite yo nan sèvis batèm nan.

- Distribye non moun k ap batize yo bay ekip lapriyè w la oswa nan kongregasyon w lan pou keyo kapab prepare yo pou sèvis batèm lan.

- Premye legliz la te bay moun ki te batize yo ze kòm senbòl yon nouvo nesans. Ranpli yon ze plastik kre ak senbòl lavi Kris la (yon klou, twal koulè wouj violèt, yon pikan, elatriye) pou raple moun k ap batize yo sakrifis Kris la pou yo.

Menm si li pa konsidere kòm sakreman, kretyen yo rekonèt bon jan kalite gras yo jwenn nan lapriyè, li Labib, fè jèn, sèvis, adorasyon, ak lòt disiplin nan lavi kretyen an anplis de sa ki te nan lis avan yo. Legliz pwotestan pa ka rekonèt maryaj, òdenasyon, ak lòt ankò kòm sakreman yo, men yo rekonèt klèman nati gwo gras la nan aksyon sa yo. Kesyon an pou anpil moun, konsantre sou wòl sakreman yo nan lavi kretyen an. Ak yon anfaz sou libète nan Sentespri a ak yon transfòmasyon anndan, anpil konsidere sakreman yo tankou yon bagay ki pa gen gwo valè oswa ki pa gen okenn valè. Potestantis la te chanje anfaz sèvis sakremantal la pou predikasyon Pawòl la. Chanjman sa a te lakòz sakreman yo vin gen yon enpòtan periferik. Sa a se malere paske si yon anfaz ki ajoute sou predikasyon sa pa vle di sakreman yo pa gen anpil valè nan lavi kretyen an. Pwoklame pawòl Bondye a kapab epi ta dwe pran de fòm pwoklamasyon diferan. Premyèman, pwoklamasyon an ta dwe vèbal. "Vèbal" vle di yo sèvi ak mo yo. Se responsablite legliz la pou li pwoklame Pawòl Bondye a vèbalman ak dezi li pou sali ak kwasans nou.

Nou fè sa a lè nou preche, anseye, ak pataje lafwa nou. Dezyèmman, pwoklamasyon an dwe yon aksyon. Kretyen yo dwe itilize aksyon pou fè konnen Pawòl Bondye a ak dezi li pou Sali avèk kwasans moun. Sakreman yo se youn ki kapab akonpli pwoklamasyon aktif levanjil la. Yo vizib ak fizik. Yo ede nou wè ke, "Bondye kapab akonpli plan esprityèl atravè mwayen materyèl" (Staples, Siy deyò ak Gras anndan, p. 62). Sakreman yo, nan sans sa a, yo difisil pou konprann. Nan kèk fason misterye Bondye sèvi ak bagay fizik yo pote chanjman esprityèl epi bay gras li. Mwayen fizik sa a yo se pa sèl fason Bondye genyen pou bay gras li, ni se pa paske Bondye rive nan limit li pou mwayen la gras la. Sepandan, Bondye te chwazi bay gras li atravè patisipasyon nou ladan yo. Sakreman yo misterye paske pa gen moun ki konnen ki jan Bondye bay gras li a atravè mwayen fizik, oswa poukisa Li te chwazi sèvi ak sa yo anpatikilye pou bay gras li.

Poukisa Bondye chwazi dlo kòm yon senbòl mwayen la gras pou patisipasyon nou nan lanmò ak rezirèksyon Jezi Kris? Poukisa Bondye chwazi pen san ledven ak yon ti gout nan yon tas pou senbolize nouvo alyans lan epi bay disip li yo gras li kòm soutyen? Pa gen moun ki konnen kouman oswa poukisa, men, atravè plizyè santèn lane, yo te konfime reyalye li. Bondye bay gras li nan òdinè, mwayen fizik yo. Kòm w'ap anseye timoun yo sou batèm, ede yo konprann ke sa se pi plis pase l' jis moutre lòt moun sa Bondye te fè. Batèm nan se yon sakreman kote Bondye bay gras nan mitan aksyon. Batèm vle di Bondye ban nou gras pou nou swiv li.

## **Batèm nan** **atravè Bib la:**

Men kèk vèsè nan Bib  
la k'ap kapab ede w  
pandan w ap etidye  
sakreman batèm lan:

Matye 3:5-8, 11, 13-17

Matye 28:19

Mak 1:4-11

Mak 16:16

Lik 3:7-18, 21-22

Jan 3:05, 22

Jan 4:1-2

Jan 1:26-27, 29-34

Travay 2:38, 41

Travay 8:12-13

Travay 8:36-38

Travay 9:17-19

Travay 10:46 b-48

Travay 16:14-15

Travay 16:33

Travay 18:08

Travay 19:4-5

Women 6:1-4

1 Korentyen 12:12-13

Galat 3:26-29

Efezyen 4:1-6

Kolosyen 2:9-12

1 Pyè 3:13-22.

## **Kisa Batèm nan ye?**

Batèm nan se yon Sakreman pou preparasyon. Li sèvi kòm yon pwèn pou antre nan lafwa kretyen an. Dr Staples di li sèvi ak senk rezon diferan:

1. "Li se mak kote nou koumanse avèk nouvo alyans ke Kris te etabli a.
2. Li se senbòl idantifikasyon nou ak lanmò Kris la.
3. Li se senbòl patisipasyon nou nan lavi rezirèksyon Kris la.
4. Li se senbòl resepsyon Sentespri a, ki se Lespri Bondye a nan Kris la.
5. Li se aksyon ki fè nou vin fè yon sèl nan kò Kris la, Legliz la" (Staples, Siy deyò ak Gras anndan, p. 122).

Legliz Nazareyen fè yon antikonfwontasyon apwòch sou batèm. Anpil moun t'ap diskite sou fòm batèm nan ta dwe pran ak tan li ta dwe fèt. Parapò ak diferans sa a yo, Legliz Nazareyen konsantre li sou sa ki esansyèl yo. Desizyon sa a yo pou konsantre sou sa ki esansyèl yo dirije lidè yo depi byen bonè al rekonèt enpòtans batèm nan genyen, men yo kite fòm nan ak tan kòm yon desizyon pèsònèl. Moun sa yo ki batize kapab chwazi si yo vle pase pa imèsyon ki se koule moun nan anba dlo a, aspèsyon ki se wouze moun nan ak dlo a oswa vide dlo a sou tèt li. Paran yo tou, kapab chwazi batize ti bebe yo nan plas dedikasyon an. Lè ti bebe yo batize, legliz la ta dwe fè atansyon pita pou kontinye swiv konfimasyon batèm ti bebe a. Paske imèsyon an pi komen, li pral sipoze nan gid lidè sa a. Si yo pral sèvi avèk yon fòm diferan w'ap bezwen aranje langaj la ak enstriksyon jan sa apwopriye.

# Nòt:

**"Lè yo te kwè...yo te batize"**  
(Matye 8:12)

**Timoun mwen yo**

Nou kontan anpil paske nou vle batize; sa a se yon eksperyans moun viv yon fwa nan lavi. Batize se yon tan espesyal pou ou ak fanmi ou. Jezi te panse batèm nan te enpòtan. Li te batize (Matye 3: 13-17), epi li te bay disp li yo lòd pou yo batize moun (Matye 28:19).

Liv travay la pral ede w konprann batèm nan ak sa ki pral pase apre batèm nan pi byen. Paran ou yo avèk pastè w va ede w si ou gen kesyon.

Gade senbòl sa a pou kapab jwenn mo ki pral ede w sou kijan yo aprann plis sou lapriyè. Pawòl espesyal sa yo rele Pawòl Lafwa.

**Kisa ki pral pase?**

Le wap batize, pastè w la ap koule w nan dlo a. Apre sa, m pral ede w prepare w pou yon gran jou.

1. Mete rad nwa (chemiz ak pantalon) oswa rob. Moun pa dwe wè po w anba rad la lè li mouye.
2. Pote yon lot rad pou w mete aprè batèm nan. Sonje, rad ou yo pral mouye!

- 3.- Pa bliye pote yon sèvyèt. Ou ka vle yon peny oubyen yon bwòs tèt pou cheve w tou.
- 4.- Kenbe nen w ak men dwat ou epi pran ponyèt dwat ou ak men gòch ou.
- 5.- Lè w tonbe sou do sa ka fe w pè. Fè pastè w konfyans pou li kenbe w. Rilaks kò w epi kite pastè w la panche w nan dlo a epi leve ou ankò. Ou ka pliye jenou w kòm si ou tap kage deye apre sa redrese yo pou yo ede w kanpe.
- 6.- Konsantre panse w sou poukisa wap batize a - pa sou dlo a.
- 7.- Ou dwe pare pou w di moun poukisa ou vle batize. Nan liv sa a gen yon paj ki pral ede w ekri panse ou yo.



## LESON AN

### Entwodiksyon

Di, Ou dwe pran yon gwo desizyon pou w batize. Batèm nan enpòtan anpil pou moun sa a yo ki deside swiv Jezi. Li se yon eksperyans yon fwa pou tout lavi. Jodi a nou pral fè yon gade kèk eleman debaz sou kisa sa vle di, ak rezilta moun n'ap tann lè w'ap fin batize. Jwenn Fòm Enskripsyon Batèm lan, nan fen Gid Lidè sa. Apre sa a, repwodui kantite ki nesèsè. Distribue yon fòm bay chak timoun. Fè timoun nan ranpli li. Apre sa, kolekte li kòm dosye timoun nan.

### Baz yo

Paj 2-3 nan *Ebyen... Ou vle batize?*

Si ou pa t'fè sa anvan klas la, distribue kopi *Ebyen ... ou vle batize?* bay chak elèv.

Timoun yo dwe byen konprann zafè batèm nan. Anpil fwa, pèrèz yo santre sou dlo a ak sa yo bezwen fè oswa di. Pou pati sa a nan leson an ede timoun yo konprann eleman pratik de sa ki pral rive lè yo batize.

Di yon konsa, Pou nou koumanse, nou pral diskite sou kèk bagay w'ap bezwen konnen sou Batèm. Nou pral pale sou sa ou dwe pote, sa ki pral rive, ak sa ou ta dwe prepare pou w' di pandan batèm ou an.

**Mete sa ki bagay sa a yo nan pwòp mo pa ou:**

1. Mete rad nwa (chemiz ak pantalon) oswa yon gwo wòb. Li enpòtan anpil pou moun k'ap batize yo mete rad nwa lè y'ap batize. Moun pa ta dwe kapab wè anndan rad la lè li mouye.
2. Pote yon rad pou fè chanjman apre batèm nan. Paske rad w'ap mete yo pral mouye, w'ap bezwen chanje rad sou ou pou w' ale lakay ou.
3. Pa bliye sèvyèt ak peny ou. W'ap bezwen yon sèvyèt pou w' seche kò w' ak yon peny oswa bwòs pou cheve ou. Pa bliye pote nenpòt lòt bezwen twalèt ou santi ou ka bezwen.
4. Kenbe nen ou. Peze nen ou ak men dwat ou, epi kenbe ponyèt la dwat la ak men gòch ou. Pastè a ap mete yon sèl men nan mitan do ou ak lòt men an sou men ou.
5. Rilaks lè w'ap deplase pou w' koule anba dlo a. Ou kapab santi w' pè lè w' prale pado a. Ou dwe rilaks, Kite ou tonbe sou do san pè. Gen konfyans nan pastè ou la, li pa'p lage w'. Rilaks kò ou, epi kite pastè ou la panche ou nan dlo a epi leve ou ankò. Ou dwe double jenou ou lè li kage w' dèyè, apre sa redrese yo pou yo ede ou kanpe.

## Nòt:



**Jan "Batis la"**  
**Li Mak 1: 4-5**  
1. Ki kalite Batèm Jan t'ap preche? (v. 4)

---

2. Kisa moun yo te konn fè avan yo batize? (v. 5)

---

**Chef prizon Filipyen an**  
**Li Travay 16: 30-33**  
Aprè chéf prizon Filipyen an ak fanmi l te sove, yo te batize san pèdi tan. Dapre Pòl, kisa chéf prizon an te fè pou l te sove? (v. 31)

---

**Revizyon**

Itilize repons seksyon ki anle yo pou ranpli espas vid yo. Ekri pawòl yo akote fraz ki moutre siyifikasyon kòrèk la.

\_\_\_\_\_ Vie di kwè nan Bondye pou w kapa sove.

\_\_\_\_\_ Vie di chanje lide ou, sispann mache nan move direksyon, epi komanse swiv chemen Bondye.

**4** \_\_\_\_\_ Vie di admèt ke ou te peche.

6. Konsantre panse ou sou poukisa w'ap batize. Li fasil pou w' konsantre sou dlo a, pou moun sa yo k' ap asiste, oswa sa w' pral di yo, men sonje, ou te batize. Bondye la menm jan lè w' t'ap batize a. Sa a se yon moman espesyal ant ou menm ak Bondye.
7. Ou dwe pare pou w' di moun poukisa ou vle batize. Batèm nan se yon moman espesyal ant ou menm ak Bondye. Nou pa batize paske zanmi nou ap fè li, oswa paske nou santi nou te rete tann twòp pou nou batize. Nou batize paske nou gen yon relasyon ak Bondye, e nou vle lòt moun konnen sou lafwa nou nan Jezikri. Kòm yon pati nan sèvis batèm nan, yo pral mande w' di lòt moun poukisa ou vle batize. Nou pral gen yon seksyon pita nan sesyon sa a ki pral ede w' ak sa.

Ba yo nenpòt lòt enfòmasyon yo ka bezwen konnen: tan, zòn (si gen lòt pastè legliz ou a), ak ekspektasyon ki kapab ajoute. Apre sa a, di yo konsa, Sa a yo se kèk nan eleman debaz sa a yo nou bezwen konnen sou batèm. Men, batèm nan se pi plis pase eleman debaz sa yo. Ann gade kèk istwa sou batèm nan Bib la epi diskite sou sa batèm vle di.

## Istwa osijè de Batèm

Paj 4 nan nan *Ebyen... Ou vle batize?*

Fè yon volontè li Mak 1:4-5.

**Aprè sa, mande :** Dapre vèsè 4 la, ki kalite Batèm Jan t'ap preche? Bay elèv ou yo yon moman pou yo reponn kesyon an. Apre sa, fè timoun yo ekri repons yo nan espas vid ki nan kaye yo a.

**Repons:** Repantans. Jan te rele moun yo de peche yo. Repantans vle di, nou chanje lide nou yo. Nou sispann ale nan yon move direksyon, epi koumanse swiv chemen Bondye a. Atravè repantans, nou jwenn padon pou peche nou yo.

**Mande:** Anvan yo te batize, kisa moun nan te fè? Bay elèv ou yo yon titan pou yo reponn kesyon an. Apre sa, fè yo ekri repons yo nan espas vid ki nan kaye yo a.

**Repons:** Konfese peche yo. Anvan nou mande padon pou peche nou yo, nou dwe reyalize ke nou te fè yon bagay ki mal. Konfese peche nou yo vle di admèt devan Bondye ke sa nou te fè a te mal. Nou reyalize nou bezwen padon Bondye a.

Fè yon volontè li Travay 16:30-33.

**Aprè sa, mande :** Dapre Pòl, ki sa chéf prizon an te fè pou l' te jwenn Sali a? Bay elèv ou yo yon titan pou yo reponn kesyon an. Apre sa, fè yo ekri repons yo nan espas vid ki nan liv travay yo a.



## Nòt:

### **Bondye ap Travay!**

Lè w ap batize, Bondye la avèk ou. Batèm moutre tou ke Bondye ap fè yon bagay nan lavi w. Ou pral batize nan dlo deyò, konsa tout moun ka wè. Bondye ap chanje w anndan kote peson pa kapab wè.



Lè ou pran yon beny oswa douch, ou sèvi ak dlo a pou w lave pousyè tè. Lè w ap batize, dlo a se pou fè w sonje ke Jezi te lave peche ou yo. **Li Sòm 51:1-2**

Lè w desann nan dlo batèm nan, sa a moutre ke "Ou mouri nan peche." Sa vle di ke peche a pa gen okenn kontwòl sou ou. Lè w soti nan dlo a, sa moutre ke w'ap viv nan Kris la". Sa vle di ke Jezi ap viv nan ou epi ede w viv yon vi ki fè Bondye plezi.



# 5

### **Batèm nan moutre lòt moun ke ou gen...**



#### **Yon Fanmi Tounèf**

Bondye te adopte ou nan fanmi espirityèl li. Ou vin tounen yon pitit Bondye. Ou kwè nan li. Tout moun ki vini nan fanmi Bondye a se fanmi ou tou. Tout lòt kretyen vin tankou manman, papa, frè ak sè ou nan lanmou. Ou pral aprann pran swen yo chak. **Li Jan 1:12.**



#### **Yon lavi Tounèf**

Kounye a, se pou Bondye ou ye. Ou chwazi pou w obèyi li, epi viv jan Jezi te viv. Ou chwazi pou w pa fè peche. Pou konnen kijan pou w viv byen, mande tèt ou: Kisa Jezi tap fè si li te mwèn menm? **Li 2 Korentyen 5:15, 17.**



#### **Yon Nouvo Gid**

Lè Bondye te padone peche ou yo, gremesi Jezi-Kris, Sentespri a vin sèvi w. Lè w batize, Sentespri a asire ou ke ou se yon pitit Bondye. Sentespri a pral ede w swiv Jezi. **Li Jan 16:13a.**

# 6

**Repons:** Li te kwè nan Seyè Jezi. Kwè nan yon bagay vle di pi plis pase sèlman panse li se verite. Se pi plis pase yon aktivite mantal. Kwè mande pou nou ajè sou kwayans nou. Si yon moun di, "Mwen kwè ke chèn la ap kenbe m'," men li pa janm chita sou chèn la, se paske li pa vrèman kwè nan li. Kwayans mande pou yon moun chita sou chèn la. Prizonnye a te kwè nan Jezi Kris sa ki vle di li te mete konfyans li nan Bondye pou l' te kapab sove, epi se pa t' bon zèv li yo oswa obèyisans lalwa Moyiz la.

Bay elèv ou yon títan pou yo ranpli seksyon revizyon ki nan paj 4 la nan *Ebyen... Ou vle batize?* Revize repons yo a epi asire w' ke yo konprann.

Di yo konsa, Batèm di lòt yo ou te mete konfyans ou nan Jezikri pou w' sove, epi ou te deside swiv li. Sa a se yon pati ki enpòtan anpil nan Batèm nan. Si ou santi li nesesè, sèvi ak tan sa a pou w' prezante levanjil la.

## **Bondye ap Travay**

Paj 5 nan *Ebyen... Ou vle batize?*

Seksyon sa a baze sou siyifikasyon batèm, epi mete aksan sou wòl Bondye nan batèm nan. Batèm se pi plis pase yon desizyon pèsònèl pou swiv Jezi Kris. Batèm nan se tou yon rekonesans nan yon desizyon pèsònèl pou swiv Kris ak kado gras Bondye nan sakreman an.

Di yo konsa, lè w' batize, Bondye ap fè yon bagay byen espesyal. Li rete la avèk ou. Fè yon volontè li premye seksyon ki nan paj 5 nan *Ebyen... Ou vle batize?*, ti liv elèv yo. Apre sa, di yo konsa, Batèm se yon senbòl. Yon senbòl vle di yon siy oswa yon aksyon ki ede ou konprann oswa konnen sou yon bagay. Lè w'ap batize, ou di lòt moun Bondye ap fè yon bagay byen espesyal anndan kè ou. Bondye ap chanje ou sou anndan.

Fè yon volontè li dezyèm seksyon an ki nan paj 5 nan *Ebyen... Ou vle batize?* ti liv elèv yo. Fè yon lòt volontè li Sòm 51:1-2. Apre sa, di yo konsa, Nou pran yon beny oswa lave pousyè ki sou kò nou yo. Batèm fè nou sonje ke Jezi te lave peche nou yo. Li padone peche nou yo, epi li ban nou yon relasyon ak Bondye. Sentespri a, tou, rete andedan nou; ede nou obèyi Bondye.

Fè yon volontè li twazyèm seksyon an ki nan *Ebyen... Ou vle batize?* ti liv elèv yo. Apre sa, mande, Kisa sa vle di "mouri nan peche"? Bay timoun yo yon títan pou yo reponn. Apre sa, di yo konsa, lè yon moun "mouri nan peche" yo pa kontwòle pa peche. Apot Pòl te di, batèm nan senbolize mouri avèk Jezi, men tou, nou "vivan nan Kris la". Sa vle di peche pa kontwòle nou, epi Sentespri a ap travay nan lavi nou pou ede nou obèyi Bondye.

## **Batèm nan moutre...**

Paj 6 nan *Ebyen... Ou vle batize?*

Di yo konsa, Batèm moutre lòt moun twa bagay enpòtan. Ann fè yon ti kout je sou yo.

Fè yon volontè li premye seksyon ki nan paj 6 nan *Ebyen... Ou vle batize?* ti liv elèv yo. Fè yon lòt volontè li Jan 1:12.

[illegible]

Finis avèk yon lapriyè. Bay remèsiman pou rekonesans travay Bondye ap fè epi kontinye fè nan lavi timoun yo. Envite prezans li tou pre yo pandan y'ap prepare yo pou batèm yo a, epi pou asirans Sentespri a nan lanmou Bondye pou yo. Ou kapab deside priye tou pou chak timoun endividvèlman.

# **Fòm Enskripsyon Batèm**

**Jodi a dat:** \_\_\_\_\_ **Dat ou batize a:** \_\_\_\_\_

**Non:** \_\_\_\_\_

**Adrès:** \_\_\_\_\_

**Vil, Eta, Kòd Postal:** \_\_\_\_\_

**Telefòn (kay):** \_\_\_\_\_ **Tel:** \_\_\_\_\_

**Adrès E-mail:** \_\_\_\_\_

**Laj (si se 16 ane oswa pi piti):** \_\_\_\_\_

**Ki kote w' te batize lè w' te yon ti bebe:** \_\_\_\_\_

**Kouman w' vle batize (imèsyon, aspèsyon, oswa vide dlo)?:** \_\_\_\_\_

**Èske w' aksepte Jezi kòm Seyè ak Sovè w'?:** \_\_\_\_\_

**Di nou ki jan ou te fè vin kwè nan Jezi:** \_\_\_\_\_

---

---

---

**Poukisa w' vle resevwa batèm?:** \_\_\_\_\_

---

---

---

**Èske ou nan yon ti gwoup oswa klas Lekòl di dimanch?:** \_\_\_\_\_

**Si w' reponn "Wi," ki moun ki lidè w' oswa pwofesè w'?:** \_\_\_\_\_